

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), načelnik Općine Centar Sarajevo je dana 15. marta 2006. godine, verificovao i donio

ODLUKU

O KOREKCIJI IZMJENA I DOPUNA REGULACIONOG PLANA NASELJA "ĐURO ĐAKOVIĆ"

Član 1.

Usvaja se korekcija Izmjena i dopuna Regulacionog plana naselja "Đuro Đaković" (u daljnjem tekstu: korekcija Plana)

Član 2.

Korekcijom Plana utvrđuje se građevinska parcela za izgradnju samo džamije. Granica parcele polazi sa tačke broj 1, koja se nalazi na međi između parcele k.č.61/2 i 1219 (ulica Alipašina) K.O. Sarajevo VII, udaljenoj od sjeveroistočnog ishodišta lista R 1:1000 broj 128 po $y=357,5$ m, a po $x=50,0$ m, ide na jugoistok međom između parcele k.č. 1219 (ulica Alipašina) i 61/2 u dužini od 18,5m, skreće na jugozapad idući u pravoj liniji do tačke broj 2, koja se nalazi na parceli k.č.61/2 udaljenoj od sjeveroistočnog ishodišta lista R 1:1000 broj 128 po $y=373$ m, a po $x=74,5$ m, produžava na zapad idući u pravoj liniji do tačke broj 3 koja se nalazi na parceli k.č. 61/2 udaljenoj od sjeveroistočnog ishodišta lista R 1:1000 broj 128 po $y=398,5$ m, a po $x=74,5$ m, lomi se idući u pravoj liniji na sjever i dolazi do tačke broj 4, koja se nalazi na parceli k.č.61/2 udaljenoj od sjeveroistočnog ishodišta lista R 1:1000 broj 128 po $y=399,0$ m, a po $x=49,5$ m, nastavlja na istok idući u pravoj liniji, te dolazi do tačke broj 1, odnosno mjesta odakle je opis granice korekcije Plana i počeo. Sve naprijed navedene parcele nalaze se u K.O. Sarajevo VII. Ukupna površina planirane parcele za izgradnju džamije iznosi 0,11 ha.

Član 3.

Minaret i rampu za ulaz u džamiju locirati u zapadnom dijelu građevinske parcele i to u pojasu udaljenom 6,0 m od zapadne granice građevinske parcele.

U arhitektonsko-oblikovnom smislu, izgled objekta džamije treba prilagoditi savremenoj arhitekturi stambenih naselja "Čiglane".

Član 4.

Korekcija Plana sastoji se iz tekstualnog dijela i grafičkog priloga broj 2. -Situacija. Tekstualni dio i grafički prilog korekcije Plana su sastavni dio Izmjene i dopune Regulacionog plana naselja "Đuro Đaković" ("Službene novine Grada Sarajeva", broj 22/90).

Član 5.

Po jedan primjerak ovjerene korekcije Plana (tekstualni i grafički prilog) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo i Ministarstva prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 10-23-1383/06
15. marta 2006. godine
Sarajevo

Načelnik Općine Centar
Dževad Bećirević, s. r.

(Napomena: objavljeno na oglasnoj ploči Općine Centar dana 16. 3. 2006. godine.)

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), načelnik Općine Centar Sarajevo je dana 15. marta 2006. godine, verificovao i donio

ODLUKU

O KOREKCIJI REGULACIONOG PLANA "KOŠEVO"

Član 1.

Usvaja se korekcija Regulacionog plana "KOŠEVO" (u daljnjem tekstu: korekcija Plana)

Član 2.

Korekcija Plana je izvršena:

a.) *U grafičkom dijelu Plana - Korekcijom plana parcelacije:*

- Korekcijom plana se uskladuje lokacijska postavka planiranih objekata Stambene zadruge radnika "UPI", sa vlasničkim-imovinsko-pravnim odnosima na terenu (prema katastarskoj geodetskoj podlozi).
- Koriguju se građevinske parcele uz planirane stambene objekte i kolektivnu garažu u ulici Marcela Šnajdera (la, lb i lc) kao i parcela planiranog stambeno-poslovnog objekta uz ulicu Ahmeda Muratbegovića (označena pod brojem 22), a u svemu prema grafičkom prijedlogu plana parcelacije koji je sastavni dio korekcije Plana.

b.) *Korekcijom u tekstu Odluke o provođenju Regulacionog plana "Koševo"*

- Koriguje se član 4. Odluke o provođenju Plana i glasi: Izgradnja na području obuhvaćenom granicama opisanim u članu 2. vrši se na osnovu:
- Regulacionog plana "KOŠEVO" i urbanističkog rješenja na dijelovima područja gdje je ovim Planom utvrđena izgradnja novih sadržaja, područja opisana u članu 3. stav A. Zone Kolektivnog stanovanja (1, 2, 3 i 4), B. Zone Kolektivnog stanovanja u nizu (1 i 2), zatim stav D. Zone Centralnih sadržaja (1, 2, 3 i 4) i stav C. Zone Individualnog stanovanja (1 i 2).
- Tehničke dokumentacije za izvođenje objekata primarnih gradskih i sekundarnih saobraćajnica, te komunalne infrastrukture.
- Izvršene Korekcije koja se primjenjuje i na ostalim fazama Plana.

Član 3.

Korekcija Plana sastoji se iz tekstualnog dijela i grafičkog priloga (Prijedlog plana parcelacije). Tekstualni dio i grafički prilog korekcije Plana su sastavni dio Regulacionog plana "KOŠEVO" ("Službene novine Kantona Sarajevo", broj 31/04).

Član 4.

Po jedan primjerak ovjerene korekcije Plana (tekstualni i grafički prilog) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradskoj upravi Grada Sarajeva.

Član 5.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 10-23-1424/06
15. marta 2006. godine
Sarajevo

Načelnik Općine Centar
Dževad Bećirević, s. r.

(Napomena: objavljeno na oglasnoj ploči Općine Centar dana 16. 3. 2006. godine.)